



Nuuk, 4. december 2009

Inatsisartut suleriaasianni § 36 immikkoortoq 1 naapertorlugu matumuuna Naalakkersuisunut apeqquteqarpunga, ima ittumik:

Raajartassiissutigineqartartut amerlassusaat aammalu avammut tunisassiarineqartartut amerlassusaasa inissisimanerat piujuaannartitsinissamut naapertuuttuuneri misissorneqarsimappat aammalu Tunumi raajartassiissutigineqartartut tamakkerlutik qaqinneqarneq ajortut qanoq iliuuseqarfigilersaaneqarpa minnerunngitsumillu raajat avannarpariartornerat qanoq annertutigisumik pisassiissuteqarnissamut piareersimaffigineqarpat?

(Inatsisartuni ilaasortaq Aleqa Hammond, Siumut)

Tunngavilersuut:

Tunumi ukiut tamaasa raajartassiissutigisaagaluit tamakkerlugit qaqinneqarneq ajortut pisassiissutigineqartullu tamakkerlugit qaqinneqartarnissaat anguniarlugu naalakkersuisut qanoq iliuuseqalersaarnersut paaserusuppara. Ilanngullugu apeqqutigiumavara nunarput ataatsimut isigalugu raajartassiissutigineqartartut piujuaannartitsinissamut naapertuuttumik annertussuseqartinneqarnersut ilanngullugulu paaserusullugu pisassiissutissat tulliitut raajartassiissutigineqartussat qanoq agguataarneqassamaarnersut paaserusullugu ilanngullugu angissusissaanut annertussusissaannullu tunngasut.

Eqqaasitsissutigissangakku ullut qulit suliffiusut qaangiutsinnagit apeqqutiga akineqarsimassasoq.

Ikinngutinneraumik inuulluaqqusillunga
Aleqa Hammond, Siumut